

er nach dem Calvinischen/ vnd auff der andern nach dem Lutherischen Text predigen/ also/ daß er offtermahlen auff einer Cankel wiederlegen muß/ was er eben denselbigem Morgen auff der anderen geprediget hatte/ bißweilen aber (dann in solchem Fall muß einer nicht ein geringe Bedächtnuß haben) verschob er sich erwan mit einem Sententz/ oder Haupt S. vnd er selbiges gewahr nam/ sprach: Holla/holla/ dieses gehöret ganz Luther/sonder vielmehr auff jene andere Cankel.

Eine feine/ artliche Formb gespaltener Zungen.

## CCXIV.

Auff eine Zeit kam ein Beesenmacher für eines Goldschmids-Laden/ der sah alda/ daß dem Goldschmied etwas verschmolzen/ vnd ganz in Schaden kommen ward/ da sprach der Beesenmacher: das Gott erbarmb/ wie seynd wir Handwercks Leuth so vielem Unglück vnterworffen / als der Goldschmiedt solches erhöret/ fragte er den Beesenmacher was Handwercks er dan wär? solchs sagt er dem